

BookTrust Cymru: Comisiynau Amser Rhigwm Mawr Cymru 2023

Crynodeb

Rydyn ni'n gwahodd awduron, beirdd, ysgrifenydd, cerddorion a pherfformwyr i'n helpu i greu cynnwys arbennig newydd ar gyfer Amser Rhigwm Mawr Cymru 2023.

Rydyn ni'n cynnig hyd at dri chomisiwn o £600 yr un.

Dyddiad cau derbyn cynigion: 12pm 16 Medi 2022

Byddwn ni'n anelu at roi gwybod i'r ymgeiswyr llwyddiannus cyn gynted â phosib yn ystod yr wythnos sy'n dechrau ar **19 Medi 2022**.

Rhaid i bob gwaith fod wedi'i orffen a'i gyflwyno i BookTrust Cymru erbyn **2 Rhagfyr 2022**.

Am Amser Rhigwm Mawr Cymru

Mae Amser Rhigwm Mawr Cymru / The Big Welsh Rhyme Time yn ddatliad cenedlaethol wythnos o hyd sy'n dathlu rhannu rhigymau, cerddi a chaneuon yn y blynyddoedd cynnar. Ei nod yw hybu ac annog gweithgareddau rhannu rhigymau hwyliog a phlesurus ar gyfer plant ifanc yng Nghymru rhwng 0 a 5 oed, yn Gymraeg a Saesneg. Mae'n cefnogi sgiliau cyfathrebu a llythrennedd cynnar a chreadigrwydd.

Bydd Amser Rhigwm Mawr Cymru yn digwydd rhwng 6–10 Chwefror 2023.
Neges allweddol eleni fydd 'Bwrlwm y Rhigwm i Bawb'.

Bydd plant yn cymryd rhan drwy gyfrwng ystod eang o leoliadau blynyddoedd cynnar, gan gynnwys ysgolion, llyfrgelloedd, cylchoedd chwarae, meithrinfeydd, canolfannau plant, gofaluwr plant a sesiynau Ti a Fi. Bydd plant sy'n cymryd rhan yn derbyn tystysgrifau a sticeri arbennig, a chefnogir yr wythnos gan weithgareddau ar lein a chysylltiadau cyhoeddus, cystadlaethau a mwy.

Bydd teuluoedd hefyd yn cymryd rhan gartref ble gallant gael mynediad i'r holl gynnwys a grëir drwy gyfrwng gwefan BookTrust.

Lansiodd Amser Rhigwm Mawr Cymru yn 2018, a chymerodd dros 25,000 o blant ran llynedd. I ddysgu mwy a gweld cynnwys a gomisiynwyd yn flaenorol, ewch i'r dudalen we yma: <https://www.booktrust.org.uk/what-we-do/booktrust-cymru/the-big-welsh-rhyme-time/>

Am beth rydyn ni'n chwilio

Rydyn ni'n chwilio am amrywiaeth o leisiau gwahanol o Gymru i greu cynnwys hwyliog a deniadol a fydd yn annog plant i rannu a mwynhau rhigymau, cerddi a chaneuon yn ystod Amser Rhigwm Mawr Cymru, ac wedyn.

Dylai pob comisiwn gynnwys fel lleiafswm:

- un rhigwm, cerdd neu gân hwyliog gwreiddiol a gysylltir â'r neges 'Bwrlwm y Rhigwm i Bawb' (yn ddwyieithog os yw'n bosib)
- ffilm neu animeiddiad o'r rhigwm, y gerdd neu'r gân yn cael ei berfformio
- un gweithgaredd rhyngweithiol ar gyfer plant (gallai hwn fod yn fideo cyd-ddarlunio, taflen weithgaredd yn seiliedig ar y rhigwm, cerdd neu gân ac ati)
- lluniau pen i'w defnyddio mewn deunydd hyrwyddo
- o leiaf 1 dyfyniad sy'n cysylltu â neges eleni 'Bwrlwm y Rhigwm i Bawb'
- bywgraffiad byr

Ein nod yw arddangos y fideos a'r gweithgareddau a ddetholir drwy gydol wythnos Amser Rhigwm Mawr Cymru (6–10 Chwefror 2023) drwy gyfrwng ein sianelau ar lein. Byddwn ni'n annog sefydliadau partner, lleoliadau blynyddoedd cynnar a theuluoedd i ddefnyddio'r cynnwys yn ystod y cyfnod hwn a'u rhannu'n ehangach. Bydd testun y rhigymau, y cerddi a'r caneuon yn cael eu defnyddio i gynhyrchu adnoddau wedi'u brandio.

Dylai'r rhigymau, y caneuon a'r gweithgareddau fod yn hwyliog a deniadol i blant 0 – 5 oed a deffro'u dychymyg. **Gofynnwn i chi, wrth gyflwyno eich cynnig, i nodi a fydd eich cynnwys ar gyfer oedran 0 – 2 neu 3 – 5.**

Rydyn ni am i'r cynnwys adlewyrchu amrywiaeth Cymru. Bydd yr holl adnoddau'n ddwyieithog. Bydd hyn yn cynnwys Cymraeg a Saesneg, yn amlwg, a gall hefyd gynnwys rhai o'r ieithoedd eraill a siaredir yng Nghymru – gan gynnwys BSL os dymunir.

Am BookTrust Cymru

BookTrust yw elusen ddarllen plant fwyaf y DU a bob blwyddyn, byddwn ni'n cyrraedd at filiynau o blant gyda llyfrau, adnoddau a chefnogaeth i gael pob plentyn i ddarllen, yn rheolaidd ac o ddewis.

Mae BookTrust Cymru'n gweithio i ysbrydoli cariad at ddarllen mewn plant am ein bod ni'n gwybod y gall darllen drawsnewid bywydau, Bob blwyddyn byddwn ni'n rhannu dros 175,000 o lyfrau a ddetholwyd yn ofalus i blant Cymru a thros 230,000 adnodd llythrennedd a rhifedd. Ariennir y gwaith hwn gan Lywodraeth Cymru.

Ystyriaethau eraill ar gyfer y comisiynau

Uwchlaw popeth arall, dylai'r cynnwys fod yn ddeniadol i blant yn y Blynyddoedd Cynnar. Dylai hefyd fod yn apelgar i rieni / gofalwyr ac yn hygyrch i ymarferwyr i'w helpu i gael y gorau o'u sesiynau amser rhigwm.

Rhaid i'r cynnwys fod yn addas ar gyfer ei ddefnyddio mewn lleoliadau amrywiol ac yn y cartref.

Dylai'r cynnwys apelio at blant ledled Cymru o ystod o gefndiroedd teuluol a chartref, a dylai fod yn wirioneddol gynhwysol.

Ar draws y comisiynau, byddwn ni'n chwilio am gynnwys sy'n addas ar gyfer siaradwyr Cymraeg brodorol, dysgwyr Cymraeg (mewn ysgolion cyfrwng Cymraeg a Saesneg) a phlant a theuluoedd ble mae Cymraeg neu Saesneg yn iaith Ychwanegol iddynt.

Dylai cynnwys ar ffilm ateb gofynion canllawiau ffilmio BookTrust (gweler Atodiad 1).

Telerau eraill

Cydnabyddir na all pob comisiwn o reidrwydd ateb pob galw, yn enwedig o ran iaith. Cysylltwch â ni os oes gennych unrhyw ymholiadau os gwelwch yn dda.

Mae BookTrust Cymru'n cadw'r hawl i ddyfarnu llai na thri chomisiwn os nad yw'r ceisiadau'n addas.

Rydyn ni'n croesawu ac yn annog pobl o bob math o gefndir, ac o bob cwr o Gymru, i ymgeisio.

Rhennir y cynnwys ar wefan BookTrust Cymru ac ar draws ein llwyfannau cyfryngau cymdeithasol. Rhennir y cynnwys gyda brandio BookTrust. Bydd BookTrust Cymru'n ychwanegu brandio i'r ffilmiau, ynghyd ag isdeitlau, os oes angen.

Bydd BookTrust Cymru'n cynghori ynghylch addasrwydd cynnwys wrth i'r comisiynau ddatblygu, a chedwir yr hawl i fynnu fod newidiadau'n digwydd er mwyn sicrhau fod y comisiynau'n ateb gofynion y briff.

Cyllideb

Bydd pob comisiwn yn werth **£600**. Dylai hyn dalu am bob cost, gan gynnwys treuliau.

Telir y ffioedd pan fydd y gwaith terfynol yn cael ei gyflwyno, oni chytunir fel arall.

Sut i gyflwyno cynnig

A fyddech cystal â chyflwyno cynnig byr sy'n cynnwys:

1. **Bywgraffiad byr**, yn cynnwys:
 - Profiad a / neu arbenigedd perthnasol
 - Samplau o waith blaenorol, os yw'n addas
 - Profiad o weithio'n ddwyieithog, yn Gymraeg a / neu gydag ieithoedd eraill
2. **Cynnig cryno**, yn cynnwys:
 - Beth rydych chi'n bwriadu'i gynnwys ar gyfer y comisiwn
 - Sut mae hwn yn ateb gofynion y briff
 - P'un ai fydd eich cynnwys ar gyfer oedran 0–2 neu 3–5 oed
3. **Unrhyw wybodaeth arall a fydd yn eich barn chi yn cefnogi eich cais**

Bernir cynigion yn erbyn y meini prawf canlynol:

1. Ansawdd y cynnig o'i gymharu â gofynion y prosiect
2. Profiad perthnasol
3. Sut y bydd y comisiynau a ddetholir yn darparu pecyn cyffrous i blant ar draws yr ystod cynnwys a gynigir

Cyflwynwch eich cynigion at: booktrustcymru@booktrust.org.uk

I drafod y prosiect, cysylltwch os gwelwch yn dda â Phil Savery:
phil.savery@booktrust.org.uk

Atodiad 1: Canllawiau Ffilmio BookTrust 2022

Canllaw cyffredinol ar gyfer holl waith ffilmio BookTrust yw hwn.

Ar gyfer unrhyw gynnwys ar ffilm:

- Y fformat a ffafirir yw fideo HD (1920 x 1080 o ran 'resolution'); dylai pob ffilm gael ei saethu mewn fformat tirlun.
- Mae ansawdd sain clir yn hanfodol, a dylid dileu synau cefndirol; rydym ni'n argymhell defnyddio meicroffon allanol yn hytrach nag un integredig.
- Dylid gwneud ffilmiau gan ddefnyddio trybedd neu offer tebyg.
- Dylai ffilmiau fod wedi'u goleuo'n dda ac yn rhydd o amhariad.
- Dylai lleoliadau a chefnidiroedd fod yn ddi-dranglwans.

Canllawiau technegol:

- **Goleuo:** Gwnewch yn siŵr eich bod yn ffilmio mewn lleoliad sydd wedi'i oleuo'n dda. Dylid osgoi gadael i'ch wyneb gael ei oleuo gan sgrin cyfrifiadur pan fyddwch chi'n gweithio gyda chamera gwe, am y gall hyn roi arlliw glas nad yw'n ddeniadol.
- **Sain:** Gwnewch yn siŵr fod y sain gystal ag y gall fod os gwelwch yn dda. Mae hyn yn bwysig iawn, felly gwnewch bopeth allwch chi i gael gwared ar unrhyw sŵn cefndirol (e.e. trafndiaeth swnllyd, pobl yn siarad, peiriant golchi, teledu, peiriant awyru ac ati).
- **Ceisiwch ddefnyddio meicroffon allanol** (h.y. nid meic mewnol iPhone) ac ewch â'r meic mor agos â phosib at ffynhonnell y sain, gan osgoi ei ddangos yn y siot.
- **Ffilmwch mewn tirlun os gwelwch yn dda** (oni bai am Instagram)
- **Fformat:** Y fformat a ffafirir yw fideo HD ('resolution' o 1920 x 1080)
- **Lleoliad / cefndir:**
 - Gall y lleoliad fod yn unrhyw le sy'n gyffyrddus a chlyd, nid yn rhy glinigol
 - Mae'n bwysig fod pob amgylchfyd yn gredadwy / perthnasol i ystod eang o deuluoedd
 - Mae angen i gefndiroedd fod mor blaen a di-dranglwans â phosib
 - Gwisgwch beth bynnag sy'n gyffyrddus i chi. Dylid osgoi unrhyw beth sy'n dangos logos mawr, geiriau, brandio y gellir ei adnabod neu batrymau gor-lachar.

Sut y bydd y ffilmiau'n cael eu defnyddio:

Bydd BookTrust yn dangos ffilmiau'n llawn ar ein gwefan, ein sianel YouTube a Facebook, ac yn defnyddio clipiau byrrach ar draws y sianelau cyfryngau cymdeithasol – Facebook, Instagram, Twitter ac ati.

Byddan nhw'n aros ar ein sianelau / gwefan.

Efallai y bydd angen i ni wneud tipyn bach o waith golygu, a byddwn ni fel arfer yn dechrau a gorffen y ffilm gyda deunydd brandio BookTrust.

Noder: Ble bynnag y bo'n bosib, byddwn ni'n cynnwys cydnabyddiaethau perthnasol.